


梅溪先生文集

前集一之四



梅溪先生前集目錄

第一卷

詩

副畝十首

觀國朝故事四首

灑灑岸下水

宣和乙巳冬大雪次表叔賈元實韻

傷時感懷

駕幸温州次僧宗覺韻

次韵劉謙仲見寄

送凌知監赴玉環次覺無象韻

谷毛唐卿虞卿借昌黎集

辛亥九日侍家君同孫子淵子昭子尚登高于
家之東山時菊花未開坐客皆以為恨至十
月望獨步東籬下見前日青枝已爛熳矣東
坡云涼天佳月即中秋菊花開日乃重陽不
以日月斷也於是命酒有呼鄰里飲於叢雲
次韵李仲默見寄

題湖邊庄

湖邊懷謙仲

寄孫永之

寄毛虞卿

次韵虞卿贈別

次韵劉方叔見寄

寄方叔

潘岐哥

贈余取新

次韵曾監務早梅

寄賈一節

孫子尚過明慶以詩見招未及往次韵

送子尚如浙西

懷子尚

樂清僧寮有過客錢之翰題二絕有傷時之歎

因次其韵

讀親征詔書二首

次韵題曹大夫懷忠閣

開韓師世忠退保丹陽遠近憂懼州縣議結鄉
兵以備不虞間巷少年貫弓走馬若有得色
感而有作

和劉方叔溪上一絕

和方叔見贈二絕

得陳商霖書

昔與南浦劉謙仲大梁孫子尚游自劉死橫陽
孫亦有浙西之後交舊零落為之慨然感而

有作

次韵李刑曹病起書懷

又用前韵

送曹大夫赴行在所

第二卷

詩

送表叔賈元範赴省試

答李仲真

夜聽双瀑同劉方叔毛虞卿聯句

對月同方叔聯句

游蕭峯

題雙瀑

送劉方叔兼簡全之

送陳商霖

書卧書懷

用前韵贈劉全之

有客贈酒同舍終夕盡歡復用前韵

復用前韵

戲酬毛虞卿見和

懷歸預別同舍

寄僧覺無象

覺無象和

秋日山林即事次叔父寶貝印師韻

和懷孫子尚二絕

季令生日

徐丞生日

思友

縣學落成百韻

送劉方叔李文游雁山

遊西岑遇雨

幽居三詠

脩竹

黃楊

丁香花

鄭丞生日

縣學別同舍

次韻曾尉易任青田留別

淫雨

挽仰先生

寄潘先生

次韻潘先生暮春感懷見寄

至樂齋讀書

用前韻酬昌齡弟和

懷孫子尚

懷姜渭叟兼簡謝守中用前韻

懷劉方叔兼簡全之用前韻

述懷

夜雨述懷

第三卷

詩

送賈元範赴省

送劉政孫

送劉全之

前詩送三鄉丈行雖各獻芹然非所以勉子大

夫茂明大對之意更為古詩二章以獻

詠柳

次韻潘先生寒食有感

悼僧德芬

悼單法師

毛虞卿見過

讀孫子尚舊所寄書

宋彥才挽詞

宋孺人挽詞

先君子去世五十日孤某八四友室觀平生遺迹哀號痛哭絕而復蘇既而書四十字以寄罔極之思

李府君挽詞

陳景功挽詞

次韻萬喬年李唐英二絕

送章生端武

送羅生少陸

送茹生履

乙丑冬罷會呈諸友

江上遇風

宿黃岩妙智院

過黃岩

宿慶善寺

過天台

過新昌

觀石佛

戴溪亭

曹娥廟

宿驛輿

題靈峰三絕

出雁山

關嶺遇雪

過鑑湖

月夜獨酌

太學寄夢齡昌齡弟

丁卯秋赴鹿鳴燕次太守趙殿撰酌

赴省治裝有感

再過雁山三絕

大龍湫

天桂峯

天聰洞

思歸

別太學同舍

戊辰閏八月歸自臨安觀舊題脩竹黃楊丁香

花慨然有感復書三絕

第四卷

詩

次韵寶印叔止庵三絕

翁府君挽詞

十月十九日雷二十一日雪

次韵表叔余叔成示兒

表叔陳景韶挽詞

詠述師葡萄

十一月七日至東山省墳因思先子昔年題壁有

水光山色兩依依之句舊屋已壞墨跡不畱

山水依然感慨不已因成一絕

寄萬大年

萬季梁和詩留別再用前韵

將過萬橋用前韵寄大年先之

種蘭有感

再用前韵

三月晦日與同舍送春於梅溪因誦賈閬仙詩

云三月更當三十日風光別我苦吟身共君今

夜不須睡未到曉鍾猶是春時有二十八

人遂用齒序分韵

為麥祈實

次韵萬先之讀莊子

已巳梅溪同舍三十其九人者游從之舊也酌
別之夕獨五人在焉謝子與能猶在予館而
四人者且去矣遂各以其姓賦詩送之

周仲翔

李大鼎

許輝先

謝鵬

別宋孝先

送黃岩三友

又各贈一絕

余如晦

鄭遜志

施良臣

別余諧

別余壁

別周濬

後七夕二夜同夢齡宿湖邊庄

次夜余宿湖南夢齡猶在別業再和前韵寄之

宿靈山院

登姚興嶺望山有感

與萬先之登丹芳嶺路人有手持桂花者戲覓
之慨然見贈且言欲施此花久矣又言花名

秋香一名十里香遂與先之分之記以一絕

題石梁

過雁山

次先之過雁山韵

張施二生自黃岩挈舟送別于台城贈呂二絕

過仙人渡

過百步嶺

閔嶺旅邸觀林同季野去秋題壁

望天台赤城山感而有作

柘溪道傍有班竹百餘挺蕭洒可愛與先之賞

翫移時因念鄉間無是種約異日移其根予戲

誦君看江上千竿竹不是男兒淚點班之句

遂發一咲既而作數語解異世婦人之嘲且

志不必移根也

代婦人答

題劉阮祠用過僊人渡韻

至剡溪寄夢齡昌齡

剡溪舟中有感

前中秋一日舟過山陰晚稻方熟因動鄉思呈先之

夜泊蕭山酒醒夢覺月色滿船感而有作

十月二十八日母氏劬勞之日也哀痛中書二

十八字

次韵昌齡游白石二詩

東際

道岩

再和

東際

道巖

贈萬序

過萬橋哭潘先生

夏伯虎贈雙鯉

貧家連歲蠶荒今年尤甚妻孥有號寒之患每欲引酒自寬酒惡竟不能醉拙於生事殊可

笑也表弟萬大年家蚕熟酒醇有足樂者因

思舊詩有刺栽桑柘教妻蚕句遂和以寄之

大年和詩再用韵

李棟和詩復用前韵

用前韵寄周光宗

送李棟

第五卷

詩

壬申中秋交朋解散不期而會者鄭生遜志夏

生伯虎因小飲翫月二子各以詩贈依韵酬之

書小成室

哭孟丙

家僮捨粟因念亡兒作數語以寫鍾情之悲

林知常惠白酒六尊仍示酒法作十韵謝之

九日飲酒會趣者十九人老者與焉既醒念不
可以無詩用贈林知常韵示諸友

陳元佐和詩贈以前韵

周仲翔和詩贈以前韵

陳獻可宋孝先萬孝傑夏伯虎和詩復用前韵

九日把酒者十九人和詩者數人而已今已後期
不復追索許以來年九日還用前韵發一嘆
宋孝先示讀自寬集復用前韵

用前韵述懷并簡諸友

鄭遜志胡叔成謝鵬劉敦信萬廓鄒一唯和詩

酬以前韵

九日會飲予為唱首自和九數篇皆因事叙情
爾未作重九詩也今再和一篇每句用事而不
見姓名未聯外餘皆略存對偶必有能和之者

九日寄昌齡

萬叔永誕日在孟秋乃以重九開燕俟佳節也
予不獲預稱觴之列作詩以和賀

九月十二夜獨步梅溪翫月人迹悄然秋色滿
眼微風不動岩桂自香初不勞思偶得四句

蓋心境中靜時語也歸小成室對短燈檠索
紙書之

前日寓邑偶值乍寒陳劉二生濟我以衣童生

濟我以衾既別為二詩以贈

萬先之生兩男作洗兒歌賀之

黃府君挽詞

予自乙丑冬如臨安赴補逮今九五往矣是行

也痛慈親之不見傷幼兒之蚤死登途泫然

因成是詩

初擬過鴈山既而取道烏石寄夢齡昌齡

過白溪

過盤山宿旅邸

登皇華亭

宿浮橋

與鄭敏時登樓把酒書二絕

途中見早梅

乙丑冬西湖觀南明石像作詩一絕至壬申十

月四日復往觀焉和前詩并書于佛閣

西征

第六卷

詩

癸酉三月二十五日至剡溪旅舍觀曹夢良題

壁有撩我思家第一篇之句僕離家半月亦未嘗作詩因次其韵

刻之市人以崇本東嶽為名設盜跖以戲先聖所不忍觀因書一絕

周德遠植瑞香於窓前戲成一絕

遊明心院

遊圓超院登挾溪亭次盧君天驥韵

寄夢齡昌齡弟

高和叔生日

天子始締

淵源堂十一詩

淵源堂

細論堂

宜桂軒

蘊秀軒

同襟館

富學齋

輝聲齋

集秀齋

擢秀齋

恢義齋

蘭馨室

足鯉池

書院雜詠

牡丹

芍藥

巖桂

江梅

醉醪

紅梅

海棠

瑞香

菊花

蠟梅

榴花

磨蔔

千葉黃梅

千葉紅桃

千葉白桃

佛見笑

荷花

蓼花

萱草

班竹

燕竹

西河柳

葡萄

芭蕉

石菖蒲

慎火草

盤中新荷

假山

盤池

書架

鶴

鷺

花鴨

鷓鴣

剡溪雜詠

剡溪

了溪

扶溪亭

龍宮碑

戴顯墓

阮仙翁宅

戴溪亭

偃公泉

書院掛額展筵雅會也戲集諸堂軒齋名作詩

別周德遠諸友

宿石佛

白若遇水以小舟從石門渡勢危甚書數語示

國南文卿時八月二日也

孟甲生日

孟甲孟乙好蓄古錢因示以詩

周光宗贈蠟房報以溪蓐

劉府君挽詞

賈府君挽詞

陳夫人挽詞

納涼偶成

悼演述二僧

黃楊

第七卷

詩

林下十二子

竹亭脩

井子深

栢子先

桂子蒼

蘭子芳

昌陽子仙

黃子嘉

丁子素

柳子春

槐子夏

菊子秀

王子野

昌齡開圃植花索詩於老者戲作數語無簡夢
齡西園新闢昌齡索詩予以其未開尊也戲作
數語既飲復用前韵

予與二弟連日賦詩飲酒詩成命二子書之亦

居家之一樂也復用前韻

昌齡和詩以不得志於賢關有欲退隱之語

復用前韻勉其涵養俟時未可真作休休計也

昌齡頻開尊再用前韻

用前韻題東園

賈元識和詩酬以前韻

次韻昌齡西園即事

東園小閣丹粉一新昌齡有詩次韻

夢齡得男老者喜甚湯餅會中出詩以賀

予有書閣僅容膝東有隙地初甚荒蕪暇日理

成小園徑以通之杖藜日涉其間幾欲成趣
然花木蕭疎不足播之吟詠謾賦十一小詩
以記園中之僅有者時甲戌仲冬也

小小園

便便閣

青青徑

娟娟林

揚揚晚

鮮鮮砌

牡丹

芍藥

早梅

雙竹

紫薇花

梅花次賈元識韻

歲暮雨雪連作稍阻會集賈元識有詩次韻

萬府君挽詞

林府君挽詞

表兄璐珽二道人以山茶一根見贈植于便便

閣前每黑甜餘開窓寓目茗椀不捧精神自

清因成小詩

又覓茉莉袍

二道人以茉莉花及東山蘭為贈再成一章
覓海棠

郁師贈海棠酬以前韻

札上人許贈山丹且云此花三月盡開俟藥成
移去至上巳日以詩索之

表弟津上人有瑞香茉莉感覓之

覓季仲權碧挑

覓季仲達醪醪

和寶印叔送春二絕

族兄文通贈山茶

兄弟鄰里日講率會因書一絕且戒其早納租

稅也

萬府君稅詞

張廷直稅詞

第八卷

詩

左原紀異

法燈俊上人惠杜鵑花

法燈聞上人和杜鵑詩酬以前韻

孫先覺母夫人正月四日生時年八十

明慶懺院上方地爽而幽蓋精藍之勝也予因

會友託迹其間一日探囊中得石刻詩一本

乃王詹叔國博題台人秀野堂也摹寫景物頗類於此因置之壁間意有感觸遂借其韵

懺院種蘭次寶印叔韻

次濟上人韻

元鳥至

陳希仲贈山茶

醑醑次賈元節韻

覓海松贈僧希月

浴佛無雨

喜雨用前韻

雨止復用前韻

孟夏十有一日時雨初霽晨登高閣極目四望

烟銷日出氣象一新復用前韻

用前韻勉諸友

頴師贈榘栽

月上人以拳石植海松蔣昌陽於四際蒼姿秀

色鍾清氣于几案間以為梅溪野人之贈兼

惠詩章因與唱酬九四首

書懷

懺院種紅蕉用寶印叔韻

題佛閣三絕

題郭路在

率飲亭二十絕

橫山連氏妻方奉姑甚謹姑死刻木像事之越
十年不怠郡守張公子韶下車命諸邑訪孝
義予被牒至其家獲觀木像感嘆不已因書
四十字時紹興丙子七月十四日也

登姚興嶺望家山有感

題驛與張店思周光宗

度鴈山

度謝公嶺

臘日與守約同舍賞梅西湖

同舍再約賞梅用前韵

前日探梅李元翁以疾不往和詩有玉華野人
多病忙獨守寒爐煨芋魁之句復用前韵約

同賞

送王司業元龜守永嘉

春日遊西湖

第九卷

和韓詩

和秋懷十一首

和符讀書城南示孟甲孟乙

和醉贈張秘書寄萬大年先之申之

和縣齋有懷

和桃源圖

和永真行

和短燈檠歌寄劉長方

和苦寒

和南食

和聽穎師琴

和憶昨行示夢齡

和燕河南府秀才送周光宗

和荅張徹寄曹夢良

己巳元日讀送楊郎中賀正詩因和其韻

人日過霓山隨行有昌黎集因讀城南登高詩

遂次韻留別孫先覺

和李花

和荅柳柳州食蝦蟆

第十卷

詠史詩

伏犧

神農

黃帝

唐堯

夏禹

啓

少康

桀

成湯

紂

高宗

周文王

武王

成王

宣王

幽王

秦始皇

二世

漢高帝

文帝

武帝

宣帝

元帝

光武

明帝

章帝

魏武帝

吳大帝

蜀先主

晉宣帝

晉武帝

晉元帝

宋武帝

齊太祖

梁武帝

簡文帝

陳武帝

後主

魏道武

北齊神武

齊後主

周文帝

隋文帝

煬帝

唐太宗

高宗

明皇

肅宗

德宗

憲宗

文宗

梁太祖

唐莊宗

晉高祖

漢高祖

周太祖

世宗

許由

后稷

伊尹

箕子

比干

伯夷

太伯

大公

周公

召公

齊威公

晉文公

宋襄公

秦穆公

楚莊王

魯隱公

威公

莊公

閔公

僖公

文公

宣公

成公

襄公

昭公

定公

哀公

鄭莊公

齊襄公

齊頃公

鄧祁侯

晉獻公

楚靈王

楚懷王

吳王夫差

越正勾踐

潁考叔

石碯

孔父

仇牧

荀息

祭仲

管仲

大夫種

范蠡

李廣

婁師德

狄仁傑

徐有功

第十一卷

賦

雙瀑賦

至樂齋賦

歸去來賦

梅溪題名賦

銘

止庵銘

壺庵

會趣堂燈銘

止堂銘

情話室銘

書几銘

厨銘

書銘

筆銘

墨銘

紙銘

硯銘

硯匣銘

筆池銘

簡板銘

粘板銘

界枋銘

界筆銘

詩筒銘

書筒銘

鏡銘

燈銘

香爐銘

印斗銘

扇銘

肩輿銘

昌蒲孟銘

國朝名臣贊

寇萊公

韓魏公

范文政公

富鄭公

杜祁公

甌陽文忠公

文潞公

趙清獻公

司馬溫公

蘇東坡

蘇穎濱

陳了翁

第十二卷

論

禹論

武王論

性論

稀裕論

君子能為可用論

上舍試策三道

第十三卷

策問十九道

第十四卷

策問十九道

第十五卷

策問十八道

第十六卷

書

上太守李端明書

啓

代曾尉上陳安撫

代曾尉答交代

代謝同文館解

代謝鄉解

陞補上舍謝宰相

謝王太博

昌齡弟送定葉氏

昌齡弟請期

聞詩定孫氏

回錢氏送定

代送定七首
萬章 揚李 劉賈 李孫 晉宗 李季

代回送定四首 周毛 陳鄭 黃徐 陳謝
第十七卷

序

送吳教授秉信歸省序

南浦老人詩集序

潛澗嚴閣梨文集序

劉方叔待評集序

送表叔賈元範赴省試序

送吳翼萬庠赴省試序

爲林彥明千秋穀序

淵源堂十二詩序

記

四友室記

綠畫軒記

大井記

代笠亭記

觀水記

巖松記

追遠亭記

淵源堂記

細論堂記

舫齋記

第十八卷

有詞

賽還醮願

代道士薦師

代道士薦母

代萬叔夏二首

代周元授

代萬叔永

又代黃詞

代劉仁叟

疏文

雙蓮潭請水疏

明慶教院請講疏

惠政橋施水坊疏

館頭苑官路疏

小小園苑

湖海樓

祭文

祭文

祭文

祭文

又代文

四友錄

讀婁師德傳

題卓

論文說

讀蘇文

雜說

靈鳥說

夜虹見

待士說

雜說

讀進學解

三不能戒

書歐陽公贈王介甫詩

大舜善與人同

論語三說

書富家翁送事後

記蛙

記人說前生事

第二十卷

行狀塔銘附

東平萬府君行狀

張府君行狀

賈府君行狀

周府君行狀

潛澗巖闌梨塔銘

梅溪先生前集目錄終

梅溪先生文集卷第一

詩

訓賦十首

教授建昌何潢校正

訓賦有遺士妄懷葵藿心朝夕傾太陽不耐氛穢侵肝
膽有古劍願言决群陰茲志尚鬱鬱抱膝成悲吟
古道日云邈古意誰復知陽春漠無和流水空含悲郢
曲變新調鄭聲入朱絃喟然三嘆餘默與羲皇期
讀書不知道言語徒自工求道匪云遠近在義命中吾
儒有仲尼道德無比崇傳參十八章入道知其宗後學
昧極致徒知授兒童執讀書與弟理與神明通為臣不
知此事上焉能忘

仲尼作春秋垂訓千載年書者父母歸義不共戴天莊
同父何在乃與齊侯曰魯國無臣子君親義茫然齊紀
不並立諸兒得稱賢善惡不可掩筆削至今傳

飛飛古帝魂哀哀寄春愁異鄉節物新故國人事變訴
亡誰肯怜啼苦血空酸雲安再拜人傷哉不復見

彼微雙鶴鶴飛飛同一原急難喻兄弟義著周雅篇周
公代武王大義今古傳人孰無兄弟急難斯見焉願懷
周公心無媿詩人言

竹有君子節青青貫四時桃李媚春光千株弄妖姿世
眼悅繁豔晴能賞幽奇君看桃李蹊蹄轂紛爭馳君看
竹林下形影誰相隨七賢久淪沒高躅猶可追吾家植

千竿風月足自怡豈不競時好聊為歲寒期

兀兀窓下士筆畊志良苦黃卷對聖賢慷慨深自許一
朝出干祿得失戰旬宇曲意阿有司諛言徇人主貪榮
無百年貽謗有千古丈夫宜自貴清議重刀斧

我豈不欲仕時命不吾與曷不枉尺求權門正旁午非
道吾弗由茲心已先許願言安貧賤順命為出處
儒冠誤身世偃蹇二十年豈不懷明主富貴乃在太平
生學忠孝自致無由前青燈照夜長感激徒自憐

觀 國朝故事

昔在景德初胡嘗犯中原朝廷用萊公決策幸澶淵高
瓊雖武夫能發忠義言終詩退虜騎用醜樞相顏奎與

至北城斷橋示不還一箭盡捷覽夜半却腥膻至仁不
忍殺和好垂百年偉哉澶淵功天子能用賢
昔在康定初元是叛西陲朝廷起韓范節制間外師二
公人中龍材畧超等夷匈中百萬對面千里機不比大
老子而令虜能欺深期復靈夏重勒燕然碑軍中果興
謠西賊心膽隳逆節遂稱臣戰士解甲歸社稷安泰山
四海絕瘡痍堂堂寧復有為作思賢詩

昔在元佑初朝廷用老成元惡首竄殛賢雋皆彙征
黨論起宵人壞典刑二蔡唱繼述曲學尊金陵忠良投
海島黨籍編姓名春秋亦獲罪學者專三經心術遂大

壞風俗從此傾養成前日禍中原厭羶腥我欲著一書
善惡深勸懲姦諛誅朽骨潛德發幽馨六賊未足罪禍
端首熙寧

富公昔使虜厲色爭獻納臣節安敢虧君恩以死答
煌中國尊忍為豺狼屈堂堂漢使者剛氣不可折斯人
嗟已亡英風復誰接街命虜庭人偷生真婢妾

灕灕岸下水

灕灕岸下水汝流欲何之但見日東注寧有還源期
父川上嘆逝者亦如斯人生百年間擾擾無已時利名
役初心百歡無一追待汝後知悔桑榆景堪悲感此益
悟彼毋為浪吁嘻

宣和乙巳冬大雪次表叔賈元實韵

天公昨夜屑瓊花三尺深深曉更加
柳不待春先起絮
梅非因笛自飛華
牧羊大窖人何在
駐馬藍關路更賒
安得晴天開萬里
行人愁思渺無涯

傷時感懷

三萬六千成擲梭
歡娛常少愁常多
干戈今日猶未定
書劔他年知若何
淡蕩三秋冷時節
蕭條萬里空山河
傷時眼淚滿襟血
更把少陵詩句哦
帝鄉五載亂離中
億萬蒼生陷犬戎
二聖遠征沙漠北
六龍遙渡浙江東
斬姦盍請朱雲劔
射虜宜貫李廣弓
借問秦庭誰慟哭
草茅無路獻孤忠

駕幸温州次僧宗覺韻

聖主南巡駐六飛
邦人咫尺見天威
間關高帝尚鞍馬
謹厚漢光猶絳衣
北斗城池增王氣
東甌山水發清輝
佇看天仗還京闕
無復旄頭彗紫微

温州城形

次韻譙仲見寄

湖山藍黛青湖水
琉璃碧我時湖邊游
山水正秋色詩
翁偶乘興來作湖邊客
談鋒兩初交意氣已相得
詩壇予與盟文會公為伯
豪詞肆滂沛淡語入幽竅
心匠巧雕斲物態窮
搜覓壯哉五言城卓尔
萬仞壁初疑公腸
胃百怪所窟宅吐氣干雲霄
直欲聞霹靂妙奪解牛術
奏刀聲若割我才寸
蓬微洪鍾詎能擊又如鳴蟋蟀

然和金石未窺學藩籬敢語詩與賦繆為馬慕韓浪作
赤效白獎按非所蒙猖狂固宜責新篇又拜嘉閑緘光
豔射藏之此明珠良使夜照席惜哉不遇時豈為臧倉
隔儒冠五十年世路疲行役操矛赴文場戰藝輒敢比
書劔兩無成泥塗困蹤跡龍鍾似東野窮愁攪懷臆空
吟三百篇高視古無敵霜風剪林木黃葉滿澤國我思
公不見羸馬未能策恨無神僊術安得生兩翼因召管
城穎免冠加拂拭書帛寄征鴻心目兩俱極

送凌知監赴玉環次覺無象韵

晨興趣行裝秋色滿離席悲風苦送聲短晷頻移刻蘭
舟薄暮發去去轉遐僻極目望官所沉沉煙靄積清有

濯纓水白有激齒石悠然水石間官情聊自適朝焉游
其南暮焉戲其北王環有波微山中鳥亦將識公德公
無賦歸去田園付人役

奉毛唐卿虞卿借昌黎集

予少不知學古難學古直欲學到韓奈何韓實不易學
但覺晝夜心力殫茫然故步亦已失有類壽陵學邯鄲
雖然予心未肯已尚欲勉強求其端跬步不休效駑馬
千里未至空長嘆羨君兄弟俱早慧家學豈止傳柔温
聖經賢傳既已久百家諸子皆蠹殘學文要須學韓子
此外衆說徒曼曼韓子皇皇慕仁義力排佛老回狂瀾
三百年来道益貴太山北斗世仰觀我生于今望之遠

時時開卷相欣懽豈惟廬陵惜舊本我亦惜此祗自看
子今欲假敢舍願子寶之同琅玕

辛亥九日侍家君同孫子淵子昭子尚登高于
家之東山時菊花未開坐客皆以為恨至十月
望獨步東籬下見前日青枝已爛熳矣東坡云
涼天佳月即中秋菊花開日乃重陽不以日月
斷也於是命酒肴呼隣里飲於叢畔云

前日重陽日與客

同登孰有酒無菊花把盃一長燼

良辰善易失十月今又半緬焉想前遊獨到東籬畔
鮮霜中菊滿地金錢粲我思東坡言隣里乃相喚斬新
作重九不以日月斷人生貴適意世俗豈能絆遇酒郡

歡樂取醉期爛熳羲和馭白日疾劇走丸彈百年能幾
何不飲乃痴漢

次韻季仲默見寄

予少擇交游有友四五子仲默姿不凡好學喜觀史寄
我新詩章我驚欲掩耳昔日心未降而今已降矣我久
事章句滋味一盃水平生况多愚於已不自揣林間等
蟬噪井底作蛙視今焉見君詩吾誠二蟲比豈敢妬且
熱低頭拜不止思欲和其音兀坐輒忘起沉吟竟不成
徒覺倦兩髀徒今焚筆硯不復坐書几

題湖邊莊

十里青山蔭碧湖湖邊風物最難如夕陽茅舍客沽酒

明月小橋人釣魚，舊卜草莊臨水竹。來尋野叟問耕鋤，他年待掛衣冠後，乘興扁舟取次居。

湖邊懷劉謙仲

湖山如昼水如籃，杖屨湖邊酒半酣。往事蕭條誰共說，舊游零落我何堪。炎涼世態從他變，生死交情祇自諧。詩客有冤招不得，秋風依舊滿江南。

寄孫永之名龜年沂州人

詠歌沂水舞雩風，氣壓當時冠與童。人似賈生年更少，家傳孫綽賦尤工。孤羸傲兀深叢裡，一鷲軒昂衆鳥中。早取功名寄衣鉢，古來相種出山東。

寄毛虞卿名公弼後改名宏字叔度登乙丑第

文會今年喜重尋，段姿玉質又同林。弟兄並秀如君少，朋友相知獨我深。一別幾勞終夜夢，相逢更話百年心。長卿賦有凌雲志，却笑區區蚓竅吟。虞卿工賦嘗笑對

次韵虞卿送別

喜君直諒更多聞，共惜光陰寸與分。螢照夜窓纔煖席，蟬吟秋樹又離群。尊前忍聽陽關曲，江上愁看日暮雲。別後誰能尉牢落，錦囊長帶故人文。

次韵劉方叔見寄名鎮登戊辰科

交情貴久豈須頻，我輩尤宜率且真。子政有孫誠益友，長卿何代乏詩人。論文初喜逢知己，言志深期共致身。箕斗相望正南北，潁川何夕聚荀陳。

寄方叔

故人一別路漫漫又覺春生到水村魚躍雁飛空注目
柳開梅落自消魂唱酬應有詩千首談笑長懷酒一尊
正是剛腸九回處子規聲斷月黃昏

潘岐哥

鶴溪先生聚徒于樂清之鹿巖既久因家焉辛卯秋
得子名之曰岐哥次歲孟春書來語曰吾家岐哥以
某年月日生盍以詩贈之某不敢辭先生名翼字雄
飛

君不見鳳之雛驥之子潘家岐哥無乃是鶴溪仙子降
英灵雁蕩名山鍾秀美顏色純明白玉璞精神皎潔秋

江水胷中之氣已吞牛開眼睛光如虎視此兒竒絕非
常見小子觀人蓋多矣寧非漢代偷桃朔別是唐家謫
仙李憑知先生百不憂但患此兒名盛耳先生才高爵
未縮賴渠力振家聲起鹿巖他日築高門車馬煌一塞
閭里

贈余取新

小邑那能敵大邦與君角力固非雙氣驕欲縱偏師戰
勢屈翻求北面降深懼操戈重入室自慚閣筆久焠窓
定知紙價從今貴余子詩名滿蜃江

次韻督監務早梅

群芳避路放梅開莽走進入滿砌苔半樹溪邊衝雪破

一枝頭上帶春回，月移瘦影供吟興。風薦幽香襲酒盃，
剛被西湖都道盡。至今詩客句難裁。

寄賈一節

無奈窮冬易感傷，况添離別助淒涼。五更月殘頻成夢，
十里青山幾斷腸。短棹未乘晨雪去，尺書聊遣暮鴻將。
少年勉力親燈火，要使家聲繼洛陽。

孫子尚過明慶以詩見招未及往次韵

剡溪未起子猷尋，空對溪山恨滿襟。孤雁遠來天杳杳，
故人相望雪深深。思君一日成三歲，寄我行書直萬金。
惆悵今宵一尊酒，邀明月伴孤斟。

送子尚如浙西

嗟我窮居海之角，人物素殊鄙魯俗。年雖及冠無交游，
孤陋寡聞獨學閉。門不出長太息，思得其人共磨琢。
孫子往從西北來，頭角軒軒真一鶚。飄飄逸氣凌雲霄，
凜凜高談吐鋒鏑。文辭翰墨兩奇絕，世上群兒徒碌碌。
我昔風期一相遇，欣然握手論心腹。衡茅三度枉車軒，
書劔連年共燈燭。論文自喜得房杜，言志端能效來郗。
長篇短韵迭賡唱，明月清風共斟酌。囊無一錢身不憂，
食止一簞貧自樂。有友如君復何憾，自不為多一已足。
今焉捨我將何之，遂使江鄉復蕭索。南國初寒猿鴈來，
吳江已冷丹楓落。惜君不及與君別，兀坐無言情更惡。
干戈未息行路難，胡馬今猶飲河洛。京國有家歸未得，

錢塘此去仍棲託會須徒步謁天子慨然一吐胸中事
請纓縛虜壯志士庶使平時語無作相將煖律破寒梅
驛筒遠寄無辭數

懷子尚

滿眼干戈行路難故人千里駐征鞍幾勞終日馳魂夢
安得乘風插羽翰水北山南春寂寂天涯海角路漫漫
欲憑人寄新消息手把梅枝仔細看

樂清僧寮有過客錢之翰題二絕有傷時之嘆
因次其韵

終日傷心淚濺花干戈滿眼恨無涯衣冠南渡如東晉
安得車書混一家

功名誰復漢嫫姚壯士逢時豈憚勞半夜飛來看寶劍
此身端許擲鴻毛

讀親征詔書二首

甲寅季冬讀親征詔書哀痛切骨畎畝愛君情至於
此食祿者義當何如胸中展轉不能自已故作二詩
逆虜何時正典刑久聞諸將擁疆兵中原未雪十年恥
聖主自勞千里征楚國群臣誰慟哭杜陵野客自吞聲
君恩壓頂丘山重命擲鴻毛未是輕

諸將年來已極榮四看煙閣欠功名八年猶未平淮甸
一戰那能復帝京畎畝忠臣自憂國問闖小子妄談兵
憑誰決天河水一洗乾坤萬里清

次韵趙曹大夫懷忠閣

小閣誰懷畎畝情，
瞻天日眼增明。
平生憂國丹心在，
一飯思君血淚盈。
農市功臣真有種，
并汾壯士素蜚聲。
區區問舍求田者，
應被元龍一笑輕。

聞韓師世志退保丹陽，
遠近憂懼，州縣議結鄉
兵以備不虞，問巷少年貫弓走馬，
若有得色感而有作

逆虜縱橫未剪齊，
王師退保浙江西。
羽書日報猶未息，
戎捷遠來何太稽。
千里戰新鬼哭滿天陰，
雨夜烏啼臂弓腰箭誰家子，
竟日鳴鞭躍馬蹄。

和劉方叔溪上一絕

杖屨徘徊駐碧溪，
遙看飛瀑下崔嵬。
乘槎欲訪吹簫客，
煙草茫茫沒舊臺。

和方和見贈二絕

相對清談味有餘，
始知勝讀十年書。
塵襟不用頻揮塵，
自有清風為掃除。
一舍蕭然學有餘，
窓間遮眼盡文書。
已將事業盟燈火，
萬事何煩酒破除。

得陳商霖書

山館無人慰索居，
喜君交契有終初。
舟扁方起雪溪興，
尺素又傳魚腹書。
炊黍定尋前日約，
題詩寧怨故人踈。
好來相共親燈火，
可惜青春度莫虛。

昔與南浦劉謙仲大梁孫子尚游自劉死橫陽
孫亦有浙西之役交舊零落為之慨然感而有
作

劉翁泯泯已新鬼孫子飄飄猶旅人詩酒舊游誰在眼
江山回首自傷神招魂擬同橫陽道有夢長飛雲水濱
死者不生生者別死生離別兩沾巾

次韻李刑曹病起書懷

中原回首尚塵飛書劍南來早識機方事高眠學安石
却愁多病似王徽腸枯謾有書千卷腰瘦難勝帶十圍
志士未逢聊尔耳古人何用泣牛衣

又用前韻

文園病思亂如飛禪榻逍遙謾息機漸喜珠絲封紫裏
未容鶴髮上簪微酒能伐性聊須止碁恐勞神未敢圍
惟有詩懷禁不得任他憔悴不勝衣

送曹大夫赴行在所

西北連年殺氣高群盜橫行如蝟毛廉頗李牧不世出
吾皇側席心焦勞汾陽自古多壯士曹侯意氣千人豪
年今四十猶偃蹇拊髀長歎淹龍船慨然揮袂謁行在
報國已淬誓間刀登壇拜將預指日看君牽手清風瀉

梅溪先生文集卷第二

詩

送表叔賈元範赴省試

賈公西赴大試鄉人於其行也咸祝之曰公昔不遠
千里徒步京師游太學戰藝術之場登賢能之書矣
不幸見黜於禮部今日之行焚舟之舉也又祝曰吾
邑士風萎靡不振自舍法罷四閔科舉群誠有司無
占名者公此行雪寒鄉累年之恥矣又祝曰國步方
艱聖君側席下詔求士非止修故事而已公平昔議
論挺挺激昂士類今試藝南宮發策帝庭固宜一據
素蘊直言救世非為取一第資也某采輿人之祝作

詩以送之

河東先生才行高昔游太學聯烝髦惟文偉論萬人敵
糠粃歎向奴劉曹搏風自許九萬里肯作斥鷃游蓬蒿
禮闈一戰果得雋妙割不折庖丁刀禮部無端抑韓子
至今士論猶嗷嗷霜蹄暫蹶志益銳不學郊島徒悲號
聖君圖治方側席茲復下詔求賢豪壯懷思雪會稽耻
廣場猛效蘭皋塵焚舟決勝在此舉鄉閭屬望心焦勞
天庭射策共素蘊忠言為國驅腥臊區區一第溷君耳
要將事業窺伊臯瓊林宴罷遲歸騎薰風拂面吹恩袍

答李仲宜名詠

我昔從君伯氏游短素長綫日唱酬凌雲健筆驅山丘

欲追李杜參曹劉子今又復振風流可人一氣真吾儔
明珠白璧蒙暗投自揣無堪但增羞君家棠棣才俱優
吾知徐公百不憂更能勉力追前修俯捨青紫何須求

夜聽双瀑同劉方叔毛虞卿聯句

夜靜双瀑喧遙聞疑雨來澗壑生清風襟宇捐纖埃
飛鳴撼半空暗想飄瓊瑰前觀阻步屨側耳成徘徊
蕭然山館間此興何悠哉子晉不復見月白空蕭臺方叔

對月同方叔聯句

與君坐階除遙望海上月哀試奉太白盃借問幾圓缺
人生易分散動作隔年別哀今宵對嬋娟莫放酣歌

絕句

游簫峯

蟻屐穿雲去山深喜路人家煙色暈古寺水聲中金澗
星猶在丹成竈已空吹簫人不見臺下想仙風

題双瀑

瀑布簫峯下靈源不可尋倚天雙宝劔點石萬星金勢
合鯨鯢聞聲聽虎豹吟我来游勝境洗耳聽清音

送劉方叔兼簡全之

相見無多日依前又素居斷魂梅的皜過眼柳蕭疎
死馬來時路征鴻別後書君歸見温叟為我問何如

送陳商霖

相逢猶未款作別太匆匆日落江東莫人歸冀北空音

塵應暫隔談笑更誰同回首簫峰外明朝我亦東

晝卧書懷

書齋終日無人過閉戶便便事高卧炎蒸燦體汗流珠
蚊蚋費拍蠅勞驅南窓清風可供客一枕萬錢無計得
夢魂未到鄉無何起來搔首空吟哦

用前韻贈劉全之

一聲啼鳥簷間過喚起幽人午窓卧甕頭一滴價如珠
窮愁衮衮憑誰驅溪畔相逢盡詩客豪邁獨輸劉夢得
篇章自有神誰何詎白元白參吟哦

有客贈酒同舍終夕盡歡復用前韻

濁醪不向壻頭過吏部方思甕間卧書齋得酒勝得珠

萬事盡向杯中驅生中低是高陽客一笑相逢寧易得
明朝酒醒奈愁何勸君莫惜同吟哦

復用前韻

歲月侵尋等閑過草廬尚作南陽卧報國未為蛇吐珠
許身定與誰齊驅漫比凌雲詞賦客意氣飄飄真自得
金溪風月價幾何要須買斷共吟哦

戲酬毛虞卿見和

杜門不顧高軒過聊享東山謝公卧傷時淚泣鮫人珠
揮毫寫蕩風雨驅友生笑我為狂客齊楚未須論失得
他年功業定如何醉中細把君詩哦

懷歸預別同舍

長念雙親垂素髮不奉甘旨今數月溪山雖好何如歸
吾心已逐秋雲飛欲別良朋重嗚咽催人啼鳥聲何切
明日禁書隨我東何如尊酒重相逢

寄僧覺無象

我昔居鹿巖時來潛澗游西坡訪覺老終日為遲留高
談窮古今滿坐風生秋令我名利心一聽潭欲休論詩
出古律有唱無不酬篇章溢縑素錦綉爛然浮此老豈
易得當於前輩求吾生恨太晚見師已白頭儒釋道不
同相從苦無由三無遊金溪元主顏常做出門無游從
獨賦臨清流金溪可無僧孰是西坡儔深房鎖花木妙
供羅珍蓋益作僧

飛山陔前日過諸生。相視未及語歸袖風
颼颼別來能幾時下堂蕭蕭月自明即結蓮社且莫事真
修我狂似靈運此志

覺無象和

少年詞賦客昔與山翁游軒帽驀驀姿聊伴鹽車留幽
坡賞春色明月同高秋君才如鮑昭顧我非湯沐木桃
時一投瓊瑤三四酬可憐堪壞海鱗尺水難沉浮飄然拂
袖去形影那容求早莫哦君詩書空復搔頭迹來三年
餘擬君荐經由長篇忽見遺頓覺驅煩愀君馬何大駛
追蹤謫倦流錦綉滿腸胃詞人孰能儔故將西子容來
貽嫫姆羞行看復坐吟終日如駒駒安得君書齋移來

近前陬論文與談笑一釋老者憂春禽畫牋牋窻風夜
颼颼懷君不成寐頻驚節物迺君文已造妙君德當慎
修謁帝明光宮隋珠那暗投

秋日山林即事次叔父寶印師韻

蕭蕭頰末生秋聲登臨遐想蘭臺英天高氣清水碧色
明月相映光如瓊脫葉翩翩下深樾蓮社高人詩興發
講外吟餘心更閑白雲蒲袖眠禪窟竹徑通幽人不來
鳥鳴山靜獨徘徊
世間名利客
生擾二徒悲
哀
清涼滌煩襟塵慮心
竟山城過疎
雨水國生新景
蟲
鳴月滿林雁度雲
嶺夜九起謀身日三省
平生
功名心鬱鬱猶未
遂
深
愛
白
雲
人
身
閑
時
自
永

和懷孫子尚二

澤國蕭蕭晚吹涼
人歸黃菊為誰香
故人一別路千里
夜雨何時更對床

記得年時訪我游
壁間文字數行留
溪山風月依然好
不對芳尊又一秋

季令生日八月十四

佳氣光芒藹劔池
慶門呈瑞應熊羆
人間秋色平分際
天上冰輪欲滿時
何處楚丘占季子
自應無忌似牢之
何嬭姮娥預把蟾宮桂
歲歲飄香薦壽卮

徐丞生日九月初八

日月俱陽節物新
先期誰應菊花辰
未於崧嶽生賢佐

且向柯山出異人
月吐霜天鍾氣象
江涵秋水聚精神
華堂獻壽人多少
盡是明朝落帽賓

思友

夜雨暗點滴
窻風冷掀翻
藜牀卧幽獨
好夢俄驚殘
過人在何處
遠隔烟水村
歌枕不復見
傷心涕沈瀾

縣學落成百韻

新學告成祀事既畢
賢大夫與邑之多士
講鄉飲酒禮無媿
曾洋風真一時偉觀也
某非史克雖不能作
為歌頌以揄揚盛德
萬一輒不揆課成律詩
一百韻
炎正中微後
皇家再造年
斯文天未喪
吾道聖相傳
黼袞端周冕
巖廊拱舜絃
宸章麗朝日
奎畫煥中天
賈馬

朝丹闕皇瓊捧御進雲龍慶相遇星鳳快爭先金馬袍
披錦戎亭帳褫纒崇儒符漢武復古慕周宣方議成均
制仍增博士員佇觀旂旄行賁帛彛彛詞賦揚群彥
賢良策萬全國橋漢億萬鼓篋魯三千狂客休歌鳳騷
人肯釣編文風暢蠻貊士氣歷腥羶王化誠無外吾邦
素自偏魚鹽人競習刀筆世相沿甘學樊遲稼紛求許
沘田椰嶽戲縫掖膜俱奉真詮未振寒鄉陋那經殺氣
纏閭闔森白刃庠序燎寒煙斲簡嗟何考青衿痛自憐
詩存傷瓠葉禮廢憶豚肩磬碎交州石弓焚矍相弦水
流空渙渙草碧自芊芊有識思興起無知分棄捐桑弧
誰復射城闕執思還弟子貧原憲先生冷鄭虔嗣音幾

泯滅素業遂述遭婁應三年詔曾徵萬選錢龍門無幾
到虎榜不多聯愈賦徒傷感郊腸厭炒煎儒冠空嘆誤
鐵硯莫知研白日非偏照寒灰自不然百年嗟委靡今日
幸寅緣今尹真人傑同僚命世賢崔丞老文文學梅村
舊神仙樂善誠何篤承流志更專下車傷弊俗修泮慕
遺編浮議疇能奪良謀斷不愆商財方萃聚卜日肯遷
延役命諸生董基謀爽塏遷鄧林搜翁鬱淇竹翦嬋娟
祕殿雄千尺脩廊跨百廛虹梁掛天宇雲棟軼星躔縹
縹飛鷺瓦沉沉耀采椽泚茂春色早壇杏午陰圓方沼
分寒溜明窓瞰碧漣前山昂馬首勝地奪龍眠瀑水靈
源近蕭峯秀色妍規模何廓廓氣象更綿綿先聖風流

舟志益堅燕婦欣遇夏魚得敢忘筌願赴功名會終歸
造化權唯憑大爐火早晚鑄顏淵

送劉方叔季文游鴈山

二客騷腸不耐秋飄然蠟屐去尋幽蕩中若要窮青眼
巖下先須問白頭詩社不容添異姓名山應豈遇清流
會須乘興天台去澗水桃花訪舊游季文嘗有詩云醉
鄉須待我詩社

人

游西岑遇雨

西岑風物秋更嘉杖藜出郭歡無涯深村有酒隔烟渚
共乘小艇穿蘆花羅裙綽約越溪女茅舍迫窄吳儂家
牀頭新釀喜正熟千金倒甕傾流霞天公妬我一日樂

俄然雨脚來如麻醉歸扶路泥沒履冠巾不整頭髮沙
人生貴在適意耳安能局縮身如蝸杖頭有錢即相覓
明日更泛仙源槎

幽居三詠

脩竹

我得家傳好此君剗裁干挺拂青雲塵埃不掃自然去
風月有餘誰可分萬籟蒼龍春後見滿軒鳴玉夜深聞
時時助我毫端興宜與江山共策勳

黃楊

兵火回頭二十年吾家此樹實青檀兒時尚及見封植
亂後那知獨保全雖荷生成能蒼鬱不輕剪拂豈團圓

主翁不忍加斤斧舊物於人最可憐

丁香花

玄冬萬木落如掃苦恨江梅開不早誰言菊後便無花
更有丁香尉枯槁雨膏碧葉剪琉璃風薦幽葩噴龍腦
小軒深院夜淒清月白霜寒天色好素面含情宋玉愁
仙肌帶濕真妃澡何人為取藥中名端為花能除病惱
我時獨步瓊枝邊相向無言意傾倒臨風三嗅更徘徊
研墨為花加品藻

鄭丞生日九日

九日人間氣象新鄭公家誕少康成玉山肌骨侵人瑩
秋水精神照坐明奕世簪纓真烜赫冲天頭角正崢嶸

願公此日身長健醉把茱萸泛壽觥

賢關當日廁英游意氣軒之壓輩流心授廣文真翰墨
家傳北海舊春秋棠陰惠愛留三邑蓮幕聲名重一州
賓客盈門望推轂藍田松竹可能留

縣學別同舍

蕭瑟秋聲起桂枝登臨誰賦送將歸伴人燈火情猶在
過眼烟雲事已非記取壘壘同吟落忍教襟袂遽分違
明朝一嘆江山隔望斷日邊鴻雁飛

次韻曾尉易任青田留別曾名正子萬頃

梅僊樂教意尤勤絳帳煎膏至夜分心學盡傳隋董薛
詞章高壓漢卿雲誰知有力能攘我不許諸生又借君

駟馬重來定何日好看雙桂散清芬曾嘗於縣學植雙桂

淫雨

春雨無端苦浸淫滿天飛霧日光沉出門蒸潤濡衣重
歸路泥塗沒股深欲與陽鳥開烈豔試呼風伯掃煩陰
明朝會見佳天氣只恐春歸無處尋

仰先生挽詞

文蔚字國華黃公度榜登
科及政和簿未赴而卒

諸生袞袞登科第造物苦公深可憐身到蟾宮都幾日
名書鬼錄已經年教同子厚無如命才似韓公合在天
慎水諸生哭相向築場無計媿前賢

寄潘先生

先生聚徒明慶兩歲三遷近得熾院諸生粗安迹先

生猶無託宿之地寓榻於僧房院有一室頗佳主僧

荷鎖以待官客因作是詩

蕭疎鬢髮老安仁才出人頭未免貧書劔一生長骯髒
齷齪到處只酸辛招提夜永眠無室絳帳春寒坐乏茵
莫怪閻梨不具眼先生未見宰官身

次韻潘先生莫春感懷見寄

緬想長安覺夜長先生投老困文場幾吟白雪眠蕭寺
誰薦凌雲達未央鼠目鸞頭多富貴兔葵燕麥自悲傷
感春情思如雲亂排悶提詩寄草堂

至樂齋讀書

權門跡不到顏巷自安貧獨與聖賢對更於燈火親夜

觀常及子書諷直從寅莫恨成
晚詩書不負人

用前韻酬昌齡弟

原憲曾非病陳平豈久貧
路遙驥困原近鶴鷄親
窻几坐窮夕更籌聽報寅
田園勞爾輩媿是素飡人
野田生晦腹以田園勞二弟昌齡詩云詩書

懷孫子尚

孫郎何事久無書又見青春柳拂渠
千里阻山仍阻水
三年無鴈亦無魚弟兄官况寧多好
囊橐年來莫久虛
海角天涯兩形影別時長記涕漣如

懷姜渭叟兼簡謝守中用前韻渭叟名大昌守中名起

姜郎何事久無書令君青春最憶渠
別後又孤詩與酒

怪來都斷雁并魚守株身世俱非巧
畫餅聲名揔是虛
隔壁惠連無恙否池塘春草句何如

懷劉方叔兼簡全之用前韻

劉郎何事久無書夢裏頻頻却見渠
往事真同塞翁馬
此身何異蠹書魚嚴親白髮皆如許
吾輩青春度莫虛
意氣飄又羨温叟凌雲詞賦壓相如
全之得漕薦

子尚之往浙西也有別予詩云中原回首尚胡塵
世事徒驚日月新
羈旅不堪頻作別壯懷雖在已
甘貧南來求友傳三益西去論心有幾人
別後夢魂何處是祇應來往慎江濱
一別八年不通書已三載聞在姑蘇
甚無聊故思之渭叟嘗有懷僕詩

云左原消息杳無聞令我愁懷似亂雲多病廢詩
兼廢酒青春孤我亦孤君要同學問文章樂無柰
東西南北分况是一簷殘雨後落花飛絮雨紛又
與渭叟別又經年矣故有孤詩酒之句庚申秋予
敗舉欲發經而用賦方叔以詩見寄云須知失馬
事莫發獲麟書往事真同塞翁馬盖用方叔詩也
三子皆邁有文采能歌詩予辱與之交甚厚今
俱不在眼故各以詩見意時辛酉季春也壬戌二
月八日因錄舊藁遂跋于后

述懷

吾年三十百無堪世事如麻惚未諳楊子家貧那嗜酒

盧仝丁白更添男回頭場屋心幾折混迹泥塗分固甘
賴有東臯遺業在剩栽桑柘教妻蠶

劉方叔昔書一絕于後云山北山南春雨足漠漠
柔桑秀如沃儂家荆婦幾時歸西疇獨自驅黃犢
姜渭叟見之謂二詩貧富氣象不同今二十三年
矣予負乃甚於方叔也隆興改元十月書

夜雨述懷

夜深風雨撼庭芭喚起新愁似乱麻夢覺尚疑身是蝶
病蘇方悟影非蛇澆腸竹葉頻生暈照眼銀缸自結花我
在故鄉非逆旅不煩杜宇喚歸家

梅溪先生文集卷第二

梅溪先生文集卷第三

詩

送元範赴省

清峭霜天振羽翰共觀一鷄氣軒軒願將柱腹書千卷
盡作憂時策萬言請繫單于同太傅不阿人主異公孫
龍頭素是君家物又見傳呼賈狀元朝賈黠賈

送劉政孫

蚤歲聲蜚舍法中漕臺前日始收功辛勤半世蘊蓋學
慷慨平生畎畝忠作佛肯居靈運後登仙更與阮郎同
瓊林宴罷游天祿太一然藜定照公

送劉全之

綵衣堂上別慈顏
匹馬揚鞭指帝關
千里清風生腋下
十分黃氣涌眉間
手探春信尋梅去
袖帶天香折桂還
定向蓬萊燕仙侶
為言子晉在江山

前詩送三鄉丈行雖各獻芹然非所以勉丁大夫茂明大對之意更為古詩一章

逆胡殘喘仍跳梁
中興事業猶渺茫
當今取士異平日
非為故事開科場
廟堂方諱口打賊
翻抵正論為猖狂
紛又兒輩苟富貴
妄引申伯深阿王
公孫老儒亦曲學
不敢正色言堯湯
徒令天下慷慨士
肝膽一劍生光芒
前年胡公以言逐
言今已驗官未復
近日徑山緣賦詩
裏頭衣白投荒服
忠良自此多結舌
道路相看徒以目

誰能言事如靖康
陳東已死歐陽戮
國家養士息至渥
干戈不廢菁莪育
諸公報國當如何
莫把剛腸慕梁肉
丈夫一第何足道
幸勿以此存懷抱
賈生當獻太息流
涕痛哭書更施三
表五餌請為屬國
繫單于大劉小劉
展盡畎畝倦又忠
洪恭石顯輩視之
當與奴僕同

詠柳

東君於此最鍾情
粧點村村入畫屏
向我無言眉自展
與人非故眼猶青
縈牽別恨絲千尺
斷送春光絮一亭
葉底黃鸝音更好
隔溪烟雨醉時聽

次韻潘先生寒食有感

花媚韶光柳弄煙
簫聲處處賣錫天
誰知子厚懷桑梓

北望長號又一年

無賴楊花趁暖風
旅中節物與愁逢
一聲杜宇啼春怨
知在花梢第幾重

人間寒食幾經年
甲子誰能記後先
且盡一杯藍尾酒
莫將身事惱生前

悼僧德芬

身着方袍十一年
緇林頭角稍軒軒
參禪早悟前三旨
學道思歸不二門
花落絮飛浮世盡
風清月白片心存
異時我作高僧傳
為記嚴公有此孫
芬乃室印弟子嚴嗣梨法孫也
妙齡蕭灑脫塵籠
高揖禪林話若空
萬水千山新道眼
一瓶二鉢舊家風
圓鏡肇論能知趣
筆法詩章稍自工

圓澤精魂定何所想
隨流水到天童

悼禪法師

閣中高隱歲華深
龜鶴精神老不侵
寶劍妙傳驅鬼術
靈丹長有濟人心
彌明石鼎方聯句
洪景袈裟遽掩衾
借問青牛何處去
九天雲路杳難尋

毛虞卿見過

故人訪吾廬
况是清和節
高槐綠成陰
芳草碧未歇
携手山間行
清興浩然發
呼童具鷄黍
濁酒醅初發
貧居媿荒涼
野蔌草羅列
盤實釘梅豆
蔬餐薦薇蕨
主禮雖甚微
客色未嘗缺
醉翁山水意
不為壺觴設
鱗煎新汲雀舌烹
春撚澆君文字腸
掉我清談舌
人生會面難

歲月易飄忽君姑為我留忽忽莫言別

讀孫子尚舊所寄書

故人之書不易得片紙隻字皆可惜收拾永為巾笥藏
縱得千金不願易開緘展轉時一讀又未能終淚橫臆
之人門地盛衣冠萬里家居帝王宅干戈繚繞飄吾鄉
傾蓋論文似疇昔我年初冠君猶少握手游從秦聯壁
金溪風月供醉吟君唱我酬常即席君詩句句清且新
高壓曹劉倒元白我才短淺何足論疆伴寧容小生敵
追風駿足橫海鱗暫困鹽車與汗澤掉頭一去不可尋
南北茫茫烟水隔往年雁字時復傳近日詩筒香難覓
眼中不見故人面紙上空懷故人迹人生會合能幾回

一別八年同瞬息我去無由君不來尊酒相逢更何夕

宋彥才挽詞

德著吾鄉月旦評丘園蕭散傲虛名袍雖不奪詩尤好
秋不曾悲賦自清早掛儒冠知有命晚憑貝葉悟無生
人間月落天池後定向維摩頂上行

宋孺人挽詞

劉方叔繼母

晚歲歸來奉伯鸞力將勤儉濟艱難庶車共挽甘從鮑
熊膽親調飲慕韓鏡裏玉容猶未老夢中銀漏忽驚殘
通家賤子非房杜長記登門酒盡歡

先君子去世五十日孤某入四友室觀平生遺
迹哀號痛哭絕而復蘇既而書四十字以寄罔

極之恩

先子神何在人亡迹尚存業餘經史案趣寄聖賢尊榻
吟寧歌枕堂虛已蓋棺晨昏徒泣血無路報深恩

李府君挽詞

利塗名路兩崎嶇甘向田園事陸沉一頃膏腴生計足
四時香火佛緣深築門東海于公意教子燕山寶老心
銜涕為公銘隱德不緣諛墓欲黃金

陳景公挽詞

冠玉堂堂骨相竒起家消息露蒼龜齒牙不妄千金諾
度量難窺萬頃陂車轍過門多長者箕裘傳業有佳兒
西園新卜松楸地記得公顏向此怡公園有怡顏亭今在其上

先子於公分類深晚年出處恨商參雖脩北海通家好
未遂香山會老心盡道吉人俱未艾誰知凶計遽相尋
三年落盡思親淚今日登門又滿襟

次韻萬喬年李唐英二絕

七賢林下共忘機更有新詩為發揮竹葉一尊添逸興
董風吹散臉紅微

鬢舍炎炎畏日長竹亭取次納新涼文章風月須兼愛
莫使時人恨海棠

送章生端武

麟經絕筆今幾年學者異說何紛然操矛入室務相伐
誰能峻井得美泉梅溪野人獨好古遺經獨抱期心傳

從予講論有趙陸得趣往往忘蹄筌章生妙齡固可畏
聖經賢傳思窮研羸糧遠來若有意席未及暖俄言還
豈厭先生紙上語奧境不見徒留連春秋明日遂東矣
情鍾我輩徒拳拳

送羅生少陸

羅生黃山來從我梅溪游齒髮寂年少學問能自修短
繁照深夜細字書蠅頭大業心欲潛遺編力旁搜新文
有佳趣日進殊未休吾愧河汾翁子學常與收行將試
老眼万里看驂騑一葉下庭臯大火當西流遙望河陽
雲俄登李膺舟交朋重惜別挽袖終不留吾賜百鍊剛
亦作繭緒抽籍也不吾叛尋盟定高秋

送茹生履

燈火勤勞覺瘦生望

心斷涕從橫賢關春信無多日

手折梅花贈子行

乙丑冬羅會呈友


繆意開家塾微才愧斗管雖迹有若叱字免孝先朝尚
賴知心友能全耐久交殷勤惜別意終日在梅梢

江上遇風二絕

薄暮登舟海颶生短蓬欹側浪淨喋江神正好憐行客
莫待他時却世情

頭棹乾門乾嶠干海浪未平同舟大半已山行自慙不

是婁師德免葬江魚賴友生



P7

宿黃巖妙智院

問訊開山始于今二百年徑幽微見竹社發尚遺連觀
頌思元老游庵憶舊禪忽一宿客未盡絳塵歸

發禪清巖作
轉名巖慮

過黃巖

三日離家客悠然覺路長梅花十里眼竹葉一杯腸詩
思貪佳境眉頭憶故鄉江山看未足回首隔滄浪

宿慶善寺

剛被篙工誤遲留一日裝川塗隔浩渺燈火亂昏黃呼
僕回行李尋僧宿上方山前十里雪夜入夢魂香

過天台

三宿靈峰不為禪茶甌隨分結僧緣明朝杖履丹丘去
帶得烟霞過海船

出鷹山

三宿山中始出山出山心尚在山間浮名奪我林泉趣
不及高僧一味閑

關嶺遇雪

路近剡溪春雪深此行有媿子猷尋毆馳千里爭蝸角
孤負扁舟自在心

過鑑湖

誰把青銅鑄鑑湖湖光冷浸越王都東風二月西游客
買得扁舟入畫圖

春水如天浪未生扁舟真在鑑中行漁人不問君王覓
占得湖光亦自榮

月夜獨酌

月色撩人不忍眠杖頭獨掛百青錢一杯竹葉那能醉
澆起鄉心更黯然

太學寄夢齡昌齡弟

東望家山幾斷魂白雲飛盡路漫漫須知太學齏鹽味
不似親闈菽水歡事業未應孤感嘆弟兄猶喜盡儒冠
行飛直待秋風便好作排空鷹隼看

丁卯秋赴鹿鳴宴次太守趙殿撰韻

食苹開燕副招求夢草詩成寵士流要得異才聯虎榜

亦容下客盜狐裘早脩慧業欽靈運妄贊元經魏子游
刺史笑談風滿席定應吹拂到瀛洲

赴省治裝有感

記得離家柳未黃歸來三徑菊花香一年強半身為客
席未遑安又趣裝

再過鷹山三絕

大龍湫

龍大那容在此湫銀河得二為飛流好乘風雨昂頭角
直到天池最上頭

天柱峯

女媧石爛若為脩四海咸懷杞國憂誰識山中真柱石

擊天功業勝伊周

天聰洞

重華疑到此山中鑿石疏岩達四聰端為草莽憂世士
不教無路獻孤忠

思歸

窓外西風竹數竿秋聲終夜趣歸鞍吾廬此去八百里
歸到家時天未寒

別太學同舍

二年客賢閣傾蓋皆故人况我同舍郎何異手足親
壑益共牢落燈火同悲辛坐覺歲月忘所賴朋友仁西風
起天末浙瀝吹江蘋思歸適所願惜別還露巾祖席歌

驪駒別腸轉車輪離索恐孤陋重來約新春

戊辰閏八月歸臨安觀舊題脩竹黃楊丁香慨
然有感復書三絕于後

吾家風物富檀欒最愛青青耐歲寒千里歸來面蒼玉
不煩時復報平安

同日種松今合抱後來栽柳已參天笑看軒外黃楊樹
我亦如君厄閏年

蕙蘭憔悴菊萎秋葉底歲春已數頭詩客不知花韻別
知言空結雨中愁

梅溪先生文集卷第三

梅溪先生文集卷第四

詩

次韻寶印叔題止庵三絕

鑿石依山作小庵花香入座月侵簷雖然眼界無多地
解使人天競聳瞻

容膝茅庵不妄開欲令人悟止由來箇中妙意知誰解
多作休休莫莫猜

晚學無由識道真前賢未許繼芳塵道從何進從何止
敢叩無為絕學人

翁府君挽詞子萬春登科

場屋收功不在身蘭馨玉潤摠奇人過庭詩禮家風變

坦腹門闌喜氣新華屋產芝雖美瑞白頭生齒誤青春
籃輿方起南游興無柰今年歲在辰

十月十九日雷二十一日雪

前日始驚雷失令今朝忽見雪漫天寒窓夜擁黃綉坐
閑讀春秋隱九年

次韻表叔余叔成示兒余名艘子璧從子游

父子乃天性鍾情誰不然教之以義方先賢有名言日
嚴在所尚私念宜舍施君子不自教遣隨師友肩青紫
乃餘事要當知聖賢居家務孝弟立行防悔愆窮當慕
顏回達勿為公孫庶幾幼所學終身可行焉不見不邛
丈秀發從妙年東書入賢閔日與英雋聯忽作何蕃歸

甘旨奉晨昏丘園事高尚腹笥常便便過庭有奇兒詩
禮得家傳勉我尊所聞慎勿學鄉原

表叔陳景韶挽詞

問舍求田事元龍意本輕功名孤壯志詩酒送平生李
密傷為弟劉牢喜有甥耗賦賦詩書已三世二子盍升
卿

先友嗟無幾公今亦古人平門散車轍蕃榻鎖埃塵甚
媿常公厚深知管子貧平生談笑地感激淚沾巾

詠述師葡萄

拄杖拈餘戲插泥草龍珠帳掛簷西荔枝體物差勝棗
畢竟俱非善品題

十一月七日東山省墳因思先子昔年題壁有
山光水色兩依依之句舊屋已壞墨迹不留山
水依然感歎不已因成一絕

松楸一見一傷心亭院凄凉慘樹陰記得先君舊題壁
水光山色恨難禁

寄萬大年

九萬程遙共退飛江南竹葉後先歸儒冠到底輸統濟

閑吏還應笑布衣雖欠姓名聯桂籍不妨歡笑奉親闈

殷勤尊酒論文約却恨還鄉與願違戊辰春與大年俱下第同歸全會稽

補復還學追至秋還家

萬季梁和詩留別再用前韻

三年燕雁不同飛一笑相逢尉遠歸搜我肺腸茶茗令

題子歸與諸友講茶令每會本指一物為各卒故事不通者罰命季梁掌之飲君文字酒林

衣詩方唱和如仙館詩子昔招山館與同舍結社近諸友亦多唱和人遠飄零

似省闈畢竟此心元不別祗應形影暫相違

將過萬橋用前韵寄大年先之

三年在阜不鳴飛側翅俱從舊路歸師德量寬真耐事

謂先沈郎詩瘦不勝衣謂大都緣有職供甘旨可是無

心恋關關酒發葡萄釐斫雪定知此願不吾違

種蘭有感

芝友產岩壑無人花自芳苗分鄭七穆秀護謝諸郎世

競憐春色人誰賞國香自全幽靜操不采亦何傷

再用前韵

誰權深林秀，遙分奕葉芳。秉殊溱上客，握擬殿中郎。眼
淨見幽韻，心清聞遠香。當門不及種，踐履恐成傷。

三月晦日與同舍送春於梅溪，因誦賈閎仙詩
云：三月更當三十日，風光別我苦吟身。共君今
夜不須睡，未到曉鍾猶是春。時有二十八人，遂
以齒序分韻。

記得來時手自探，預知今日思難堪。樹頭綠暗鶯如訴，
地上紅多蝶尚貪。此夜鍾聲那忍聽，明朝酒盞可能酣。
却因送別還驚我，老境如枯蟲已食三。

為麥祈實

陽律臨姑洗，宸心念歲飢。時羞方廟獻，麥實為民祈。日
煖輕花吐，風和翠浪微。敢言因鮪薦，願勿作蛾飛。會續
來牟頌，寧聞告糴譏。崆峒今歲熟，登薦定無違。

次韻萬先之讀莊子

莊生蔽於天，先儒已能言。六經有真味，奚用食馬肝。王
何佐其高，遺害今猶存。夫君高明士，寄趣名理間。恐蹈
賢者過，因詩與君論。

已已梅溪同舍三十人，其九人者游從之舊也。
酌別之夕，獨五人在焉。謝子與能猶在子館，而
四人者且去矣。遂各以其姓賦詩送之。

周仲翔

梅溪闢家塾辱與英俊游回首五年舊子獨終始周善
交固耐久厚德堪鎮浮異時行所蘊無媿祖絳侯

李大鼎

賢哉子外兄厚德著鄉里積善有天報鍾秀在吾子學
問如馳馬著鞭殊未已西游不負盟早早戒行李

許輝先

子昔從予游方讀紙上語磨礪出圭角翦拂就規矩不
為中道廢當振大嶽許行將拭老眼看子驚人舉

謝鵬

之子方妙齡耻為聾俗化三年游梅溪燈火讀深夜男
兒四方志万里思高跨願如芝與蘭毋媿古諸謝

別宋孝先

楚臺風騷客遙遙有奇孫去歲始識面未遑叩淵源但
見眉宇間一點陽春溫琴書忽來游文字獲細論經術
有根蒂詞章富波澗時時戲翰墨動輒千萬言子固予
所畏語蒙子推尊予嘗語所學文當氣為先氣洽舌可
到何止科第間子賢且樂善服膺每拳拳臨行出新詩
殷勤記諸篇好學見雅志予言未應然惜哉有離別後
會何寅緣男兒各自勉事業無窮年

送黃巖三友

聚散本常理未應輕感傷祇因三益友故斷九回腸子
少才俱美予窮老更忙相將亦行客後會恐參商

又各贈一絕

余如晦

遙遙華胃自由余識量深沉豈淺夫半載從游殊半面
臨行一語可能無

鄭遜志

燈火相親臭味同來何太晚去匆匆未曾箴我膏肓失
堪嘆康成道已東

施良臣

學傳士丐舊家聲詩法肩吾句已成尊酒論文兩經歲
却因送別倍鍾情

別余諧

我昔自總角識君先大夫閨門脩子戩鄉里號名儒仁
者偶不壽吾人宜有孤肯堂能自勉泉下尉榛蕪

別余壁

之子有家學妙齡殊衆兒參平宜語孝鯉也早聞詩謾
習雕虫技終絺吐鳳詞五車書讀盡定有起家期

別周濬

莫恨知書失太遲妙齡聰子本非竒好因推魯加鞭策
會見火然泉達時

後七夕二夜同夢齡宿湖邊莊

無用乾坤一腐儒年來蹤跡轉崎嶇身名未就耕桑廢
何日投閑老此湖

弟凡身事各茫然賴有先人二頃田他日青山映黃髮
長如今夜對牀眠

次夜予宿湖南夢齡猶在別業再和前韻寄之
家世衣冠誤襲儒年幾四十尚嶽嶇營營世事何時了
乞取湖邊作鑑湖
一襟秋色已淒然雲水初空眼界田那更蕭蕭風雨夜
弟兄分影隔湖眠

宿靈山院

靈山未是別鄉山回首吾廬咫尺間明日出山家漸遠
鄉心從此上愁顏

登姚奧嶺望家山有感

已作一宿客漸為千里人吾親白雲下回首一沾巾

與萬先之登丹芳嶺路人有手持桂花者戲覓
之慨然相贈且言欲施此花久矣又言花名秋
香一名十里香遂與先之分之記以一絕

攜手丹梯語話長不知身到碧雲鄉行人相見如相識
贈得岩花十里鄉香

題石梁

蕩中天柱見已久山外石梁今始觀尊者力能回造化
會須移向柱頭安

過雁山

清秋天氣過山中征雁行人路不同從此又勞千里翼

傳書來往浙西東

次先之過雁山韵

雲山繚繞幾千重
撩我秋來送興濃
欲向靈岩移卓筆
與君同掃万人鋒

張施二生自黃岩挈舟送別于台城贈以二絕
不放離人獨解舟
片帆相逐到丹丘
客情鄉思從今日
更有思君一段愁

行役那堪八月時
腸非宋玉也應悲
煩君為寄梅溪信
少尉吾親別後思
施生將過橫溪後
吾弟夢歸時

過仙人渡

此去神仙路不迷
直從洞口到桃溪
仙人心境無名利

笑我頻年渡此溪

過百度嶺嶺下有天惡小惡難

乘舟剛怕兩難惡
度嶺俄驚百步高
僮僕相看話良苦
縱教輕擔亦疲勞
詩云百步無輕擔因借其語

閩嶺旅邸觀林同季野去秋題壁

去歲還家秋正杪
今年行役暑初殘
同行壁上留題處
持下籃輿子細看

望天台赤城山感而有作

神仙境界無戰爭
冥用添此巍巍城
吾聞秦皇昔多慾
富貴已極貪長生
蓬萊方丈欲親到
車轍馬迹無時停
萬騎南巡適吳越
天台咫尺行時登
仙山不容肉眼見

天為設險藏神靈山中采藥使未返鮑魚向已沙丘腥
秦為防胡築紫塞連年不恤生靈害天亦防秦甚防胡
赤城高峙烟霞外神仙要非求可得祖龍可笑徒勞
當時劉阮本無心花笑水迎山自闢我向丹丘數往來
群仙杖屨未容陪揮毫欲續孫公賦愧無擲地金声才
目極蒼崖千万丈世無仙骨那能上直須内外兩丹成
駕鶴跨鸞如指掌

柘溪道傍有斑竹百餘挺蕭洒可愛與先之賞
既移時因念鄉間無是種約異日移其根予戲
誦君看江上千竿竹不是男兒淚點班之句遂
發一笑既而作數語解異世婦人之嘲且志不

必移根也

男兒有淚不染竹當作包胥賈生哭湘源遺種雖可愛
節目尚餘兒女態誰能千里移此根出門又恐添啼痕
不如還家種慈竹不厭千竿万竿綠

代婦人答

君勿題詩嘗湘竹君勿笑他兒女哭人為鍾情故生愛
夫婦相思乃常態為君飄蕩太無根兩臉盡是思君痕
安得相依似双竹長保千秋万秋綠

題劉阮祠用過仙人渡韻

澗水桃花路易迷不同人世下成蹊自從重入山中去
烟雨深深鎖舊溪

至剡溪寄夢齡昌齡

歎歲為行客，清秋別故園。自從離雁蕩，長是念鴻原。世路疲來往，親闈廢清溫。緘書付歸僕，銷盡旅中魂。

剡溪舟中有感

又作游吳客，重登八越舡。西風桑葉岸，細雨菊花天。旅思秋偏惡，鄉心夜不眠。錢塘江上月，行見十分圓。

前中秋一日舟過山陰，晚稻方熟，忽動鄉思，呈先之。

西風吹白蘋，苕子千里征。扁舟入鑑湖，水月相涵明。山陰晚稻熟，萬頃黃雲平。憑湖屬遠目，動我鄉曲情。豈不有一飽，胡為苦營營。五年倦來往，爭此蝸角名。未知得

失間奚辱，亦奚榮。何當畢所願，同歸及春耕。

夜泊蕭山酒醒夢覺月色滿舡感而有作

候屆星虛午夜涼，更堪停棹水中央。短篷破處漏明月，歸夢斷時思故鄉。客裏未忘詩酒趣，老來厭逐利名場。明朝又向錢塘去，十里西風桂子香。

十月二十八日母氏劬勞之日也哀痛中書二十八字

懸孤謾喜生良月，看鏡堪嗟已二毛。不見雙親空泣血，此生無計報劬勞。

次韻昌齡游白石二詩

道岩東際白石二佳境也予未之見昌齡弟比嘗登

覽作二詩以寄模寫景物之奇益吾家摩詰二幅山
六圖也秋涼一訪之當按詩以游不必假圖經矣因
次韵見意

飛流噴沫下烟嵐肯使名同盜與貪莫訝來時多汨汨
定知止處却潭潭遙通雁蕩靈湫兩魏壓龍門巨浪三
好景不煩摩詰畫盡歸詩客句中含

右東際

未窮脚力上層霄想象名山興亦高物外游人身插羽
洞中仙客泮生毛利名犇走嗟吾老杖屨徜徉羨子豪
鳧鳥共游端有日預期木葉下亭臯

右道岩

再和二首

佛國飛來百尺嵐要将法水噴洗貪仙入錯認蓬萊島
騷客羞談鈿鈿潭觀盡豈須窮莫四悟來初不異前三
水有七際諸方始登其三以日莫而回莫將七際觀東
際法界三千際際舍

少和卅就已登霄岩與仙風兩並高甚欲此身參鶴馭
尚嫌多事類牛毛雲間雞犬年猶永世上英雄意謾豪
堪羨北山山下客不緣射雉亦如臯

贈萬序

弦誦先閭里東平典則存殘膏沾後學餘慶在重孫事
業年方少功名志可吞時人貪擇巒慎勿為財婚

過萬橋哭潘先生

投老西游志不成，死生貧賤見交情。江頭昨夜潮言急，却為先生氣不平。先生有題伍子胥廟詩云：大江潮聲怒長為，將軍氣不平。

夏伯虎贈雙鯉

知我山間久食蔬，遙分七十二鱗魚。不妨時遣長鱗至，要得頻看尺素書。

貧家連歲蚕荒，今年尤甚。妻孥有號寒之患，每

欲以酒自寬，酒惡竟不能醉。拙於生事，殊可嘆

也。表弟万大年家蚕熟，酒醇有足樂者，因思舊

詩有刺栽桑柘教妻蚕句，遂和以寄之。

年踰四十尚何堪，愈老生涯愈不諳。何以代耕猶未仕

初無可樂誤為男，號寒兒訝桑條沃。飲酒賓嫌蜜汁甘，堪羨通家万公子。細君善釀更能蚕。

六年和詩再用韻

年少如君種種堪，文場世事兩俱諳。何意泥錯不高第，未怕社陵無好男。大年詩有未社陵無好男之歎，况有田園足耕養好窮水陸奉肥甘，更須猛割閨房愛，來與荀鄉共賦蚕。

李梗和詩復用前韵

維摩老病思何堪，藥性從今却漸諳。掩卷正思眠丈室，論文俄喜遇奇男。共嗟世路羊腸險，剛怕人情鼠口甘。聳壑昂霄君未晚，吾衰已是食三蚕。

用前韻寄周光宗

炎涼世態可能堪
肺腑唯蒙長者諳
耐久敢忘三世好
同庚况有兩家男
孟甲與光宗子同庚
我嗟風樹徒悲苦
君奉庭闈備旨甘
他日相看兩黃髮
願為隣舍話田蚕

送李裨

梅始花時送子歸
梅黃雨細又分離
不堪猿食見飛燕
那更催歸聞子規
太白讀書容有趣
少卿惜別可無詩
霜臺清峭家風在
努力功名少壯時

梅溪先生文集卷第四

